

# Wage Theft



The Office of the  
**Minnesota Attorney General**  
helping people afford their lives and live with dignity, safety, and respect

## **Kev Nyiaj Nyiaj Them Ua Hauj Lwm Yog Dab Tsi?**

Kev nyiaj nyiaj them nqi ua hauj lwm muaj tshwm sim thaum uas tus tswv ntiav tsis them tus neeg ua hauj lwm kom raug raws txoj cai.

Raws li hais mas txhua txhua xyoo cov neeg uas ua hauj lwm tsis tsis tau nyiaj xuabmoos los yog nyiaj hli raws li qhov uas lawv tsim nyog yuav tau tshaj li ntawm \$50 billion rau ib xyoos twg vim txoj kev nyiaj nyiaj them kev ua hauj lwm. Tsis muaj ib pab neeg twg uas yuav raug nyiaj nyiaj them nqi ua hauj lwm tiamsis vim yog kev them nyiaj xuabmoos thiab nyiaj hli tsawg. Kev them nyiaj tsawg no xam maj yuav ua rau cov neeg uas ua hauj lwm tau nyiaj tsawg poob txog li ntawm 10% ntawm nws cov nyiaj nws khwv tau li los li ib xyoos twg.

## **Tej Yam Uas Yog Kev Nyiaj Nyiaj Them Ua Hauj Lwm**

Kev nyiaj nyiaj them hauj lwm muaj ntau ntau yam, xws li:

### **Them nyiaj xuab moos tsawg tshaj li ntawm txoj cai.**

Hauv Minnesota, cov neeg ua haujlwm feem ntau muaj cai tau \$11.13 toj ib teev. Nyob rau qee lub nroog, zoo li Minneapolis, mas tus nqi nyiaj xuab moos tseem siab zog ntawd. Cov tswv ntiav los yog koospasnis uas them nyiaj tsawg tshaj li hais los saum no ces yog nyiaj nyiaj them nqi ua hauj lwm.

### **Tsis Them Nyiaj Overtime.**

Tsoom fww txheej siab txoj cai teev tseg tias tus neeg ua hauj lwm tau nyiaj xuab moos es yog nws ua hauj lwm tshaj li 40 xuab moos lawm mus tus tswv ntiav los yog lub koospanis yuav tsum them nyiaj overtime. Hos cov neeg ua hauj lwm uas raug zam ntawm kev tsoom fww es tsis tau nyiaj overtime mas yog tus ntawd ua hauj lwm tshaj 48 xuab moos lawm ces tus ntawd yuav tsum tau nyiaj

overtime thiab. Yog tsis them nyiaj overtime ces yog nyiaj nyiaj them ua hauj lwm tib yam thiab.

### **Yuam Cov Neeg Ua Hauj Lwm Ua Tsis Raws Xuab Moos.**

Piv txwv, muaj qee tus tswv ntiav los yog qee lub koospasnis yuam kom cov neeg ua hauj lwm ntaus khaj tawm hauj lwm tiamsis yuav tsum rov qab mus ua hauj lwm tu vaj tu tsev mas tsis yog. Ib qho piv txwv ntxiv yog thaum tus tswv ntiav hais kom ib tug neeg ua hauj lwm cia li ua hauj lwm xwb es txhob mus so los yog txhob mus noj sus tiamsis tus tswv ntiav ho tsis them nyiaj rau tus neeg ua hauj lwm los kuj tsis yog raws txoj cai lawm thiab. Cov zoo li no los puav leej yog nyiaj nyiaj them nqi ua hauj lwm tib yam.

### **Tsis Kam Them Daim Tshev Kawg.**

Muaj qee lub sij hawm mast us tswv ntiav tsis kam them cov xuab moos kawg rau koj yog hais tias nws muab koj ncaws tawm hauj lwm lossis txawm yog hais tias koj tawm koj los tib yam. Qhov no los kuj puav leej yog nyiaj nyiaj them hauj lwm tib yam.

### **Tej Yam Uas Tsis Tsim Nyog Txiaiv Tawm Ntawm Daim Tshev.**

Muaj qee lub sij hawm, tej tug tswv ntiav yuav txiaiv nyiaj tawm ntawm ib tug neeg ua hauj lwm daim tshev rau tej yam xws li khoom xiam, khoom puas tsuaj, los yog ua tub sab nyiaj khoom, lossis yog liam tias tshuav nuj tshuav nqi. Qhov no los kuj puav leej yog nyiaj nyiaj them nqi ua hauj lwm tib yam, tshwj yog hais tias tus neeg ua hauj lwm ntawd tau sau ntawv tso cai kom tus tswv ntiav txiaiv qhov nyiaj ntawd tawm ntawm nws daim tshev.

### **Siv Cov neeg Ua Hauj Lwm Tsis Yog.**

Muaj qees tus tswv ntiav los yog qee lub koospasnis yeej txhob txwm tsis xav them nyiaj rau cov neeg ua hauj lwm es nws yeej txhob txwm zam kom dhau kom nws txhob tau them nyiaj koj yog ces nws thiaj li muab tus neeg ua hauj lwm ntawd hloov los ua tus independent contractor. Cov

koospasnis los yog tus tswv ntiav txhob txwm ua li no kom nws txhob tau them nyiaj xuab moos los yog them overtime xwb. Txhob txwm hu neeg txoj hauj lwm yuam kev kom cov koospasnis los yog cov tswv ntiav txhob tau them lawv feem se rau tsoom fww xws li yog Workers' Compensation thiab Unemployment Insurance hauv xeev Minnesota no. Qhov no los puav leej yog kev nyiaj nyiaj them neeg ua hauj lwm tib yam.

### **Nyiaj Nyiaj Pub (Tips.)**

Muaj qee tus tswv ntiav los yog qee lub koospasnis nyiaj cov nyiaj uas neeg pub rau cov neeg ua hauj lwm. Qhov no yog txhais tau hais tias tej nyiaj uas neeg pub rau cov neeg ua hauj lwm tau nyiaj tsawg tsawg hauv lub koospasnis ntawd tau txais los es lub koospasnis cia li yuav lawm tsis muab rau cov neeg ua hauj lwm yuav. Qhov no txhaum txoj cai hauv Minnesota. Tsis tas li ntawd yog tus tswv ntiav muab cov nyiaj pub ntawd faib rau cov neeg uas ua hauj lwm tau nyiaj ntau es tsis tsim nyog yuav tsum tau faib cov nyiaj no los kuj puav leej yog nyiaj nyiaj ua hauj lwm tib yam.

### **Minnesota Txoj Cai Nyiaj Nyiaj Them Neeg Ua Hauj Lwm**

Xyoo 2019 no tsoom nom tswv hauv Minnesota ob lub xabphas tau tsim muaj ib txoj cai nyiaj nyiaj them neeg ua hauj lwm los mus tiv thaiv cov neeg ua hauj lwm kom zoo tshaj qub. Tsab cai muaj raws li nram no:

#### **Kev Tiv Thaiv Sab Cai Me (Civil)**

- Xeev Minnesota tus thawj saib xyuas kev lij choj Attorney General muaj xiv yuav los mus tswj txoj cai hais txog kev them nyiaj rau neeg ua hauj lwm kom ncaj ncees nrog rau Xeev Minnesota lub tuam tsev Department of Labor and Industry ("DLI"). Qhov kev tso cai zaum no pab los mus taug txog tej yam cai uas DLI tsis muaj xiv los mus tshawb txog thiab tswj xws li yog txoj cai yog ua hauj lwm sib npaug lawm ces yuav tsum tau nyiaj ib yam (Equal Pay For Equal Work Law.)

- Cov tswv ntiav los yog lub koospasnis yuav tsum muab tej ntaub ntawv qhia txog seb hnuv twg lawv yuav pib hauj lwm, thiab qhia tias yuav tau nyiaj li cas thiab seb yuav them lawv li cas; yuav tsum muab ntaub ntawv hais txog tej cai nyob rau hauv lub koospasnis ntawd; qhia tias thaum twg thiaj li thov so tau thiab yuav tsum muaj lub koospasnis ntawd lub npe thiab chaw nyob huv ntawm lub hauv paus loj tib si.
- Yog hais tias muaj kev hloov dabt si txog qhov uas cov neeg ua hauj lwm yuav tau nyiaj li cas mast us tswv aiv yuav tsum tau sau ntawv qhiv cov neeg ua hauj lwm paub tias lawv yuav tau nyiaj li cas.

#### **Kev Tiv Thaiv Sab Cai Loj Criminal**

- Tam sim no kev nyiaj nyiaj them hauj lwm yog kev txhaum yog hais tias tus tswv ntiav txhob txwm tsis xav them nyiaj koj yog rau tus neeg ua hauj lwm.
- Nws nyob ntawm seb tus tswv ntiav los yog lub koospasnis ntawd nyiaj ntau npaum li cas los ntawm cov neeg ua hauj lwm, tus tswv ntiav ntawd xam maj raug txim txog li ntawm 20 xyoo thiab rau nplua txog li ntawm \$100,000 yog thaum xam txiav txim tias nws txhaum.

### **Yog Koj Raug Nyiaj Nyiaj Ua Hauj Lwm Koj Yuav Hu Leej Twg**

Yog hais tias koj yog ib tug uas raug tus tswv ntiav los yog lub koospasnis nyiaj koj cov nyiaj ua hauj lwm, muaj cov koom haum pab cuam ntau lub muaj peev yuav pab tau koj:

#### **Tsoom Fww hauv State**

Koj xam maj hu tau rau Xeev Minnesota lub hauv paus saib xyuas kev ua hauj lwm, The Minnesota Department of Labor thiab lawv yog tsoom fww qhov chaw yuav mus kuaj xyuas kev txhaum hais txog kev ua hauj lwm ntawm:

#### **Minnesota Department of Labor and Industry**

443 Lafayette Road North

St. Paul, MN 55155

(651) 284-5070 or (800) 342-5354

[www.dli.mn.gov](http://www.dli.mn.gov)

[dli.laborstandards@state.mn.us](mailto:dli.laborstandards@state.mn.us)

Hu rau Minnesota thawj ntawm kev lij choj qhov chaw ua hauj lwm hais txog tej cai ua hauj lwm hauv. Koj hu tau The Attorney General's Office ntawm:

**Office of Minnesota Attorney General Keith Ellison**

**Wage Theft Unit**

445 Minnesota Street, Suite 600, St. Paul, MN 55101  
(651) 296-3353 (Twin Cities Calling Area)  
(800) 657-3787 (Outside the Twin Cities)  
(800) 627-3529 (Minnesota Relay)  
[www.ag.state.mn.us](http://www.ag.state.mn.us)

**Tsoom Fwv Txheej Siab hauv Federal**

Tsoom fwv txheej siab hauv United States Department of Labor yog lub hauv paus loj hais txog kev them nyiaj ncaj ncees. Koj xam maj hu tau rau qhov chaw no ntawm:

**United States Department of Labor**

Wage and Hour Division  
Tri-Tech Center, Suite 920  
331 Second Avenue South  
Minneapolis, MN 55401  
(612) 370-3341 or (866) 487-9243  
[www.dol.gov](http://www.dol.gov)

**Koj Hais Koj (Private Claims)**

Feem ntau, yog hais tias cov neeg ua hauj lwm tsis txaus siab ces lawv yeej mus foob lawv rau ntawm qhov chaw nyob nram no.

**Southern Minnesota Regional Legal Services**

St. Paul Central Office  
400 Alliance Bank Building  
55 East 5th Street  
St. Paul, MN 55101  
(651) 222-9823 or (888) 575-2954  
[www.smrls.org](http://www.smrls.org)

**Central Minnesota Legal Services**

430 First Avenue North, Suite 359  
Minneapolis, MN 55401  
(612) 334-5970  
[www.centralmnlegal.org](http://www.centralmnlegal.org)

**Mid-Minnesota Legal Aid**

111 North 5th Street #100  
Minneapolis, MN 55403  
(612) 334-5970  
[www.mylegalaid.org](http://www.mylegalaid.org)

**Volunteer Lawyers Network**

600 Nicollet Mall, Suite 390A  
Minneapolis, MN 55402  
(612) 752-6677  
[www.vlnmn.org](http://www.vlnmn.org)

**National Employment Lawyers Association**

Minnesota Chapter  
(612) 256-3220  
[mn-nela@mn-nela.org](mailto:mn-nela@mn-nela.org)